

### 3-D19-Sy الله يخليهن

- a - باسم الله، ليش كم ولد عندك يا أم مازن؟  
b - والله عندي بنتين وصبي. وإنتي؟  
a - الله يخليهن. أنا متجوزة جديد وما عندي أولاد.  
b - مبروك. إنشالله يتشوفي أولادك عن قريب.  
a - الله يبارك فيكي.  
[...]  
b - وجوزك شو ييشغل؟  
a - جوزي موظف بنك. وبالحقيقة هو قريبي.  
b - ابن عمك؟  
a - لأ، ابن خالتي.  
b - ألف مبروك.  
a - شو بيعملو أولادك باسم الله؟  
b - بنتي الكبيرة اسمها ليلة. وهي دكتورة متخصصة بمرض السكري.  
وجوزها ييشغل ضابط بالجيش.  
a - ما شاء الله! ووين ساكنين؟

- b - ساكنين بحلب.
- a - وانشلله عندهن أولاد؟
- b - من وين يا أُختي؟ هي دائماً مشغولة وجوزها مشغول. وما بعرف كيف بدهن يعملو عايلة.
- a - وبتك الثانية؟
- b - بنتي الثانية اسمها أمل. أستاذة بكلية العلوم.
- a - ما شاء الله! شو بتدرّس؟
- b - بتدرّس فيزيا. وكمان عم تدرّس منشان الدكتور.
- a - والصبي؟ شو بيعمل؟
- b - آه يا أُختي! هالصغير مُشكلة. ما ييحب المدرسة. وما بيعرف شو بدّه يعمل.
- a - شو عمره باسم الله؟
- b - ١٧ سنة.
- a - ايه. معلّش. بكرة بيكبر.
- b - انشالله!